

TE HEHEURAA API

I neia i te piha neneiraa na te Ekalesia a Iesu Mesia i to Faaia
Mo'a i te Mau Mahana Hopea Nei i Papeete, Tahiti,
i te mau fenua Sotaiete, i te mau avae atoa.
Te hoo e piti farane i te matahiti hoê.

Nu. 1.

Tenuare 1931.

Mat. 25.

*“O te mahana teie i faaauhia e Iehova; e oaoa tatou, e
e fana'o i teie nei mahana.” Salama 118:24*

TE MAU HOA NO TE HEHEURAA API:

IA ORA NA I TE MATAHITI API

Ua tae roa te tau no te hiopoaraa, e te taata hiopoa
o tatou iho ia. Te mau mea i ravehia e tatou, tei muri ia
tatou i teie nei, ua oti ia e aita i nehenehe ia tatou ia faaapî
i te mea tahito mai te reira te huru. Teie râ e tia roa ia
tatou atoa ia haapâpû i to tatou mau manaó e faahuru ê, e
faaapî i to tatou oraraa i teie matahiti i mua nei. E mai te
mea e na reira tatou e haere tatou i mua i te paari mau ra, e
e herehia tatou e Te Atua, e e haamaitai Oia ia tatou. A
tamata ia faariro i to tatou oraraa mai to te Mesia a faaea
ai Oia i nia iho i te fenua nei.

—*Papaihia e Gihoti Poropiti*

E Mau Uiraa Ora No Te Feia Mo'a

U.1 I RARO AE I TEIHEA MANA IRIRO AI BIRI-KAMA YOUNE EI MONO MAU NO IOSEPHA SEMITA, TE PEROPHETA?

“E ua riro ratou, te pupu Aposetoro, ei pupu toroa o tei faito i te mana e te tiahia i na peretiteni e toru i faaitehia i mua nei, oia hoi te peretiteniraa matamua.” Buka Fafau pene 167: 23-24; Buka Fafau Tanito pene 104:11.

Ua ao pinepine Iosepha i te parau no te mana o te mau Aposetoro. I te 16 no Tenuare i te matahiti 1836, ua na ô atura oia, “E teie nei e faaite atu vau i te ohipa a te Tino Ahuru ma Piti e to ratou mana o tei faito i te mana o te Peretiteniraa Matamua.” Parau tuatapaparaa no te Ekalesia, (Vol. 2, 373). I te 16 no Atete i te matahiti 1841 ua parau oia, “Ua tae roa te taima ia tia te Tino Ahuru ma Piti i to ratou vahi mau i pihai'ho te Peretiteniraa Matamua.” (Times and Seasons Vol. 2, P.521.) Ua parau atoa oia i te mau Apotetoro i te na ôraa'tu e, “Mai te mea e taparahi ratou ia'u tei ia outou te mau taviri e te mana, e e tia ia outou ia faatoroa i vetahi ê ei mono no outou, ua horoahia te mau taviri o te basileia i te Tino Ahuru ma Piti, e mai te mea hoé noa iho o ratou i toe mai, na'na ia e mau i taua mau taviri ra, eiaha te tahi ê noa'tu.”

Te tia nei te Tino Ahuru ma Piti i pihai'ho te Peretiteniraa Matamua, e mai te mea e, e pohe te hoé o te Peretiteniraa tei te mau apotetoro te faatere i te Ekalesia, e e maiti i te mono no taua Peretiteniraa Matamua ra, i raro aé i te ururaa o te Varua Maitai.

Ua ore te mana o te mau tauturu o te Peretiteniraa ia pohe te Peretiteni mai ta Iosepha Semita i faaite i te 16 no Tenuare 1836, “Aita roa te Tino Ahuru ma Piti i raro aé i te faatereraa a te tahi ê, maori râ i te Peretiteniraa Mata-

mua, e ia ore vau nei, aita roa ia e peretiteniraa matamua i nia iho i te tino ahuru ma piti." Parau tuatapaparaa no te Ekalesia. Vol. 2 P. 374.

Ua pâpû roa teie huru faatereraa i te tino ahuru ma piti, no te mea i te taima a pohe ai te Peropheta e piti noa iho Apotetolo i Navu, ua faatere ra raua, e ua papai atu ra raua i te toea o te tino ahuru ma piti e te Feia Moá i Amerita e Europa atoa.

Ua pâpû atoa teie huru faatereraa i te mau melo no te Ekalesia, no te mea i te amuiraa i faatiahia i te 8 no Atete 1844, e i muri mai i te amuiraa rahi no te Ekalesia i Atopa o taua matahiti ra, ua farii ratou atoa i te tino ahuru ma piti ei aratai na ratou ia mono i te Peretiteniraa Matamua. E rave rahi te mau taata tei hinaaro ia riro ratou ei mono no te Peropheta, aita râ i tia, no te mea ua oti te papairaa, na te tino ahuru ma piti taua mana ra.

Tei te Apotetolo te mana no te mau ohipa atoa i roto i te Ekalesia. Ua horoahia taua mana ra ia Iosepha Semita raua o Olive Tautere e Petero, Iatobo e Ioane no te raveraa i te mau ohipa i roto te Ekalesia o te Atua. B.F. 27: 12-13.

No reira, na roto i te ratou mana Apotetolo e na roto i to ratou farii-raa-hia e te mau melo no te Ekalesia, i muri aé i te poheraa o te Peropheta, ua riro ratou ei aratai no te Ekalesia. I taua taima ra, o Birikama Youne ia te peretiteni no te tino ahuru ma piti, e no reira ua faatere oia i te mau ohipa no te Ekalesia. E toru matahiti i muri aé, i te 5 no Titema 1847, na roto i te ururaa o te Varua Maitai e te mau heheuraa tei horoahia mai no te faatereraa i te Ekalesia, ua maitihia Birikama Youne e te tino ahuru ma piti ei Peretiteni no te Ekalesia; e i te amuiraa rahi no te Ekalesia i te 24 no Titema 1847 ua fariihia oia e te mau melo o

te Ekalesia. Te vai ra te tahi mau feia paruparu i te faaroo e te haapao ore o tei ore i farii ia'na, area râ te tino mau o te Ekalesia ua farii ratou ia'na. No reira ua riro o Birikama Youne ei mono mau no te Peropheta ra o Iosepha Semita i te Peretiteniraa o te Ekalesia.

U. 2 UA FAATOROA ANEI IOSEPHA SEMITA I TE HOÉ TAATA EI MONO NO'NA I TE PERETITENIRAA O TE EKALESLA?

Aita i faaitehia i roto i te mau papairaa a te Peropheta te hoé parau tei nehenehe ia tatou ia manaó e, ua faatoroa oia i te hoé mono no'na. Ua faaite râ oia e, ua navai te mau toroa i roto i te Ekalesia ia faatere i te mau ohipa atoa.

Mai te mea ua maiti te Peropheta i te hoé taata e mono no'na, e tia ia'na ia maiti i to'na iho tamaiti matahiapo o tei mau i to'na ióa. Ua parau pâpû râ te tamaiti aita oia i faatoroahia e to'na metua, tei ta'na parau i mua i te haavaraa, "Aita, aita vau i parau atu e, ua faatoroahia vau e to'u metua; aita vau i parau i taua parau ra. Aita vau i faatoroahia e to'u metua ei mono no'na mai te au i to'u ite i te parau ra faatoroaraa: aita vau i faatoroahia." (Te mau minuti no te haava a haavahia'i te parau no te tiaraa hiero, api 79 irava 162. Ua pâpû teie nei parau ia tatou, e aita iho â e faufaa ia feruri faahou i nia iho ia Iosepha tamaiti.

Mai te mea ua faatoroa Iosepha i to'na tamaiti e aore râ i te tahi atu taata, e tia ia tatou e manaó e, ua papaihia te reira aore râ ua faaitehia te reira e tia'i. I muri aé i te poheraa o Iosepha raua o Hairamu aita roa teie parau i haamanaóhia, aita roa te hoé taata i faaite i teie nei parau. I te tahi nau matahiti i muri aé ua tairuru mai te tahi mau taata taiva e ua faatia ratou i te hoé Ekalesia na ratou iho, e i reira ua "haamanaóhia" taua parau ra. Aita roa râ te tamaiti i faatia.

Area râ noa'tu i te reira ua faatoroahia te tamaiti ma-

tah
hit
noa
ó
roa
faa
ma
ma
i ta
hoi
Ek.
tah
raa
e u
ai i
ma
ua
tur
te t
roa
he
rato

te F
ru
faa

TE
I P

hoé
(12)

tahiapo ei Peretiteni no te tahi Ekalesia i te matahiti 1860 e na taata toomaha o tei manaó e, ua noaa mai i te tamaiti te toroa Peropheta no ó mai i to'na metua. Mai te mea ua faatoroahia aé oia e to'na metua eaha'tura te faufaa ia faatoroa faahou ia'na? Teie atoa te tahi, aita i nehenehe i te hoé mau taata ia faatoroa i te tahi ei Peretiteni no te Ekalesia maori râ na roto i te toroa Apotetolo, e ua ore hoi teie toroa i taua na taata ra. E piti o taua na taata toomaha ra, oia hoi o Viriamu W. Blair e Samuela Powers, e ere raua no te Ekalesia a Iesu Mesia i Te Mau Mahana Hopea Nei. E tahuá rahi o Viriamu Marks, oia te auvaha i te faatoroaraa, ua hurihia oia i rapae i te Ekalesia i te matahiti 1842; e ua haere oia i roto i na haapaoraa e toru hou oia i faatupu ai i te 'ekalesia API'. O Zenota H. Gurley ia tahi o taua toomaha ra, e hitu ahuru oia i te matamua, ua taiva râ oia e ua haere atoa oia i te tahi mau haapaoraa êê hou oia i tau-turu ai i te faatupuraa i te Ekalesia Apî, e te faatoroaraa o te tamaiti o te Peropheta ei peretiteni no te reira. Ua ore roa te mana o te Atua i teie mau taata, e aita roa e nehenehe ia ratou ia horoa atu i te hoé mea mai te mea te ere ra ratou i taua mea ra.

Ua pâpû roa ia Iosepha Semita te faatereraa mau o te Ekalesia e ua ite oia e, ia pohe oia e faatere te Tino Ahuru ma Piti i te mau ohipa no te Ekalesia mai te au i te faatereraa a te Atua.

U. 3 UA FAARUEHIA ANEI TE EKALESIA NO TE MEA AITA I OTI TE HIERO I NAVU I TE TAIME I PARAUHIA RA?

I te 19 no Tenuare 1841 ua farîi Iosepha Semita i te hoé heheuraa i nia i te ohipa i ravehia i roto i te hiero. B.F. (124) I taua taime ra ua faauehia mai ia'na ia faaea i te

mau baptizoraa no te feia pohe i te anavai, e tae roa i te taime e oti ai te hiero. Te na ô maira taua heheuraa ra, "E te horoa atu nei au ia outou i te hoé taime e navai ei faatiaraa i ta'u fare, e i roto i te reira taime e faatia atu ai au i ta outou ra mau baptizoraa. E inaha, i te hopea mai no te reira taime i faataahia e ore ta outou mau baptizoraa no to outou mau taata i pohe ra e fariihia e au; e ia ore outou ia rave i teie nei mau mea ia hope te taime i faataahia, e faaruehia outou i to outou huru-ekalesia-raa e to outou atoa feia i pohe ra, te na reira maira te Fatu to outou ra Atua." (B.F. 124:31-32-B.F.S. 107:10-11.)

Ua maramarama roa te auraa o teie nei parau. Ia faatia te Ekalesia i te hoé vahi no te raveraa i te ohipa no te feia pohe e tia'i, e ia rave taua Ekalesia ra i te ohipa no te feia pohe e tia'i, aore râ e faaruehia te Ekalesia e te Atua. O te hoé ia ohipa o tei hau roa'tu i te rahi i te mau ohipa atoa ta te Atua i tuu mai i te taata nei.

I te fariiraahia o taua heheuraa ra, ua haamata te Ekalesia i te patu i te hoé hiero i Navu, noa'tu te mau fifi tei tae mai i nia iho ia ratou e te mau haamani-ino-raa o to ratou mau enemî, mai te taparahiraa o te Peropheta e Patereareha te huru, ua faaotihia e ua haamaitaihia te hiero i te 1 no Me 1846. I roto i teie nei hiero, hou te tiavaruraahia o te Ekalesia, ua ravehia te ohipa no te feia ora e te feia pohe atoa.

I te avae Atopa 1841, e ono ia avae i muri aé i te haamataraa o te hiero, ua hamanihia te hoé vahi no te baptizoraa e ua ravehia taua ohipa ra i roto i te reira e tae roa mai i te faaotiraa o te hiero.

Hou ratou i tiavaruhia'i i te toóá ó te râ e rave rahi te taunatani o te feia moá tei papetizohia i roto i te hiero no ratou iho e no to ratou atoa ra feia pohe, na reira ratou i haapao i te

mau
nei,
ue ia
aita
para
roa t
aha :

EKA
UNF

to te
te E

raa i
Utal
ta, e
hia t
i rei

ó te
nehe
tere
te h
mau
mau

te A
henc
e o
te n

kan

mau faaueraa. Na roto i ta ratou raveraa i taua mau mea nei, ua mauruuru te Atua ia ratou. Aita roa te Atua i faaue ia ratou ia hamani i te reira hiero i te tahi mau mahana aita oia i taió mai i te mau avae i oti ai taua ohipa ra, ua parau râ oia, "E NAVA I TE TAIME." Ua oti nehenehe roa te hiero e na ravehia te ohipa i faauehia ra i roto. E-aha atu â ia?

U. 4 EAHA TE TUFEE O TE MAU MELO O TE EKALESIA TEI PEE I MURI A'E IA BIRIKAMA YOUNE I TE TOOÁ O TE RÂ?

I te taime o to Iosepha poheraa ua taióhia te rahiraa o to te Ekalesia e ua tae e 20,000 taata. O ratou ia te tino o te Ekalesia i Amerika, e ua tae te pae rahi i te oire Navu.

I te matahiti 1850, e toru ia matahiti i muri a'é te reva-raa i te tooá ó te râ, ua taióhia te rahiraa o te Ekalesia i Utaha e ua tae e 11,380 taata, e te tere mai ra e 7,828 taata, e ia amuihia e 19,208 ia melo to te Ekalesia, e ia taióhia te mau taata tei pohe i ta ratou tereraa i te tooá ó te râ, i reira e ite ai tatou tei Utaha te taatoaraa.

Te mau melo o te Ekalesia o tei ore i tere atu i te tooá ó te râ, o te mau taata paruparu i te faaroo, o te ore e nehenehe ia ratou ia faaoromai i te mau tamataraa o taua tereraa, e te tahi mau taata ua rave ia i te hara e te vai ra te huru taivaraa i roto ia ratou. O ratou ia te mau enemi mau no te peropheta ra Iosepha Semita, e na roto i ta ratou mau opuaraa iino ua taparahihia oia.

Mai te mea e taata maiti-ore-hia o Birikama Youne e te Atua, eita te mau taata e pee ia'na, no te mea aita i nehenehe ia'na ia horoa atu ia ratou te hoé mea no teie nei ao, e o te parau mau anaé ta'na i horoa atu ia ratou, e te reira te mea ta te Feia Moá i titau.

Teie râ, na roto i te aratai-raa-hia o te Ekalesia e Birikama, ua tupu te hoé tohuraa i tohuhia e te peropheta Iose-

pha Semita. I te 6 no Atete 1842, ua tohu Iosepha Semita i te na ôraa e, "Ua tohu ihora vau, na ô ihora: E hamani-ino-hia â te feia moá, e tiavaruhia, e e horo hoi ratou i te mau mouá ofai, e rave rahi te taiva, e e taparahi-pohe-roa-hia hoi te tahi pae e te feia hamani ino, e pohe te tahi pae i te maí e te toetoe, e ora râ te tahi pae no outou e e haere i reira e tauturu i te faatiaraa i te mau oire rii e te mau oire rarahi atoa, e e ite ia outou i te feia moá i te rioraa ei nunaa rahi i rotopu i te mau mouá ofai." (parau tuātapaparaa vol. 5 p.85.)

O tei haere i te toá ó te râ na muri ia Birikama Youne, ua tauturu ia i te faatupuraa i teie nei tohu rahi roa ra.

Ua riro te toá ó te râ ei vahi nebenehe roa i te mau vahi atoa i te fenua Amerika, ei haapâpûraa ia ei perophe-ta mau o Iosepha Semita, e ua riro mau o Birikama Youne e mauhaa i roto i te rima o te Atua ia faatupu i ta'na parau.

**U. 5 EAHA TE TUMU I BAPETIZOHIA'I BIRIK-
AMA YOUNE E VETAHI MAU MELO O TE EKALESLIA
I MURI A'E I TO RATOU TAERAA I TE PEHO ROTO
MITI?**

Te mea titauhia ia e te Ekalesia a Iesu Mesia o te Feia Moá i te Mau Mahana Hopea Nei, ia maitai te mau melo i mua i te aro o te Atua, "Ia maitai roa hoi outou mai to outou Metua i te ao e maitai ra." (Mataio 5:48) Te titau nei te mau Feia Moá ia maitai roa ratou i te mau taime atoa, ua riro te Bapetizoraa ei faaauraa i ropu i te taata e te Atua, e ia haapao oia i ta te Atua mau ture atoa mai to'na itoito e to'na aan atoa. Na roto i te Bapetizoraa te faaite atu nei te taata i te Atua, e haapae oia i te mau hara no teie nei ao.

I te tereraa mai mai te hitia ó te râ e tae roa i te toá ó te râ, ua aó pinepine Birikama Youne i te mau taata, ia

faao
rator
ite a
tautu
ri aé
haeh
faait
atoa
haap
ra.

faaite

i te A
bapet
ôraa
peape
ma ia

TIA I

Ia
ta'na
ta faa
no nie

U
i te fei
ahuru
taman
S.106

U
mai i
ai te f

faaoromai i te mau mea au ore, noa'tu i te reira ua rave ratou i te tahi mau mea o tei ore i au i te feia moá. Ua ite atoa Brikama Youne, e ohipa rahi to mua ia'na e ia tauturuhia oia e ratou atoa e te Fatu e tia'i.

No reira i te 6 no Atete 1847, hoé ahuru mahana i muri aé i to ratou taeraa i te peho i Roto Miti, na roto i te haehaa e te aniraa'tu i te Atua ia tauturu mai ia ratou; ua faaite faahou Brikama Youne e te mau Apotetolo o tei tae atoa i reira, na roto i te baptizoraa, i to ratou hinaaro ia haapao i te mau faauseraa atoa ta te Atua i tuu mai ia ratou ra. E rave rahi te mau melo o te Ekalesia tei na reira i te faaite atu i te Atua i to ratou hinaaro mau.

Ua riro teie mau baptizoraa ei mau faaite-faahou-raa i te Atua i to ratou mau hinaaro mau. Aita roa teie mau baptizoraa i faaore i te baptizoraa matamua no to ratou ôraa i roto i te Ekalesia. Aita roa teie baptizoraa e haapeapea i te baptizoraa matamua, o te baptizoraa matamua ia tei papaihia i nia te mau parau no te Ekalesia.

U 6. EAHA TE TUFEE O TO TATOU FAUFEE E TIA IA HOROA ATU I TE ATUA?

Ia horoa te taata rave ohipa i te ahururaa o te tufaa o ta'na apî; e te taata ona i te ahururaa o ta'na apî; e te taata faaapu te ahururaa o te tufaa o te apî e noaa mai ia'na no nia mai i ta'na faaapu e tia'i.

Ua faaite-pâpû-hia taua parau ra i roto i te hoé heheuraa i te feia moá; "E aufau ratou i te mau matahiti atoa i te ahuru no te tupu-rahi-raa o ta ratou atoa ra faufaa; ei ture tamau te reira na ratou e a muri noa'tu." (B.F.119:4, B.F.S.106:1.)

Ua pâpû te parau "tupu-raa" oia hoi te apî no nia mai i te mau ohipa, e aore râ no te fenua. I te tau a patu ai te feia moá i te hiero i Navu, ua horoa'tu te mau taata

i te Ekalesia te ahururaa o ta ratou apî, e mai te mea aita ta ratou e apî, ua rave ratou i te ohipa i nia i te hiero, e hoé mahana i roto i na mahana hoé ahuru ra. Te ture teie i haapaohia e te tamarîi o Iseraela i te tau tahito ra.

Te haamaitaihia nei te Feia Moá i te Mau Mahana Hopea Nei, no ta ratou aufauraa i te tufaa ahuru i te Atua ia tauturu i ta'na ohipa i nia i te fenua nei.

U. 7. EHAHA TO TE EKALESIA A IESU MESIA HURU ITE RAVERAA ITE MAU OHIPA I ROTO I TE HIERO E TE RAVERAA I TE OHIPA NO TE FEIA I POHE?

Ua hamani te Ekalesia a Iesu Mesia i te Feia Moá i te Mau Mahana Hopea Nei i te mau hiero maito'na haamata-raa. I te oraraa o te peropheta ra o Iosepha Semita, ua hamanihia te hoé hiero i Ketelani e i Navu, e ua opuahia ia hamani faahou vetahi mau hiero, ua tapeahia râ no te mau hamani-ino-raa o to ratou mau enemî.

Ua haapihia teie mau ohipa e te peropheta ra Iosepha Semita. I roto i ta'na iho tuatapaparaa ua papai oia i te parau, na ô atura, "Ua horoa atu vau i te mau ohipa moá ia Birikama Youne e na taata faatere no te Ekalesia e too-ono." (Parau tuatapapa no te Ekalesia, Vol. 5, p.1-2 i te 4 no Me 1842.)

I te matahiti hopea no to'na oraraa, ua haapii pinepine Iosepha Semita i te parau no te ohipa i roto i te hiero no te feia i pohe. Ua na ô atura oia, "O te hoé ohipa teie tei hau aé i te rahi i te mau ohipa atoata te Atua i horoa mai i te tamarîi a te taata nei, oia hoi o te faaoraraa i to tatou feia i pohe." (Te mau Taime e te mau Tau, Vol. 6 p. 616.) "Te mau Feia Moá o tei ore i rave i te reira ohipa no to ratou feia pohe e ere atoa ratou i te ora." (Te mau Taime e te mau Tau, Vol. 2 p.578)

Te ravehia nei teie ohipa e te Ekalesia a Iesu Mesia.

Aita roa e nehenehe ia faaore i teie nei faaueraa rahi.

U. 8 UA RAVE ANEI IOSEPHA SEMITA I TE VAHINE RAU?

E. I te 12 no Tiurai 1843 ua farii Iosepha Semita i te heheuraa no te vahine rau, e ua haapii oia i te reira i te tahi mau taata rahi no te Ekalesia, e o Hairamu, to'na tuaana te hoé i rotopu ia ratou, o tei parau i mua i te aro o te Atua, e vahine rau ta Iosepha Semita. Ua faaite mai te tahi mau vahine maitatai, i mua i te aro o te haava, e mau vahine faaipoipo ratou na Iosepha Semita e ua faaite atoa ratou i ta ratou parau faaipoiporaa. Te vai nei e hoé hanere tia-hapa parau faaiteraa no te mau taata i roto i te Ekalesia, e nò te mau taata i rapae atoa, o te haapâpû i te parau e ua rave mau Iosepha Semita i te vahine rau, te vai nei teie mau parau i te piha tuatapaparaa no te Ekalesia.

Te vai atoa nei taua parau i roto i te fare haavaraa no te hau Amerika, e ua pâpû i te mau taata atoa, o tei hinaaro i te parau mau, ua haamatahia taua ohipa ra e Iosepha Semita, eiaha râ na Birikama Youne.

Te vai atoa nei te parau no te mau amaa taiva no te Ekalesia o tei faaite mai ia tatou e, ua haamatahia teie ohipa e Iosepha Semita.

Ua ravehia te vahine rau e te hoé tufaa iti no te Ekalesia e tae noa' tu i te matahiti 1890. Mai reira mai â ua opani-roa-hia ia, e e hurihia te taata i rapae i te Ekalesia mai te mea e rave oia i te vahine rau. I te matahiti 1890 ua opanihia teie ohipa e te hau e ua haapao te Ekalesia i te reira.

U9. E TIA ANEI I TE AMUIRAA IA TUTURI I RARO I TE TAIME IA HAAMATAIHIA TE OROA?

Ia na reira te haamaitai i te oroa; "E na te peresibute-ro aore râ na te tahuá e faatia i te reira; e teie te huru no

taua faatiaraa ra; e tuturi oia e te Ekalesia atoa, a ani atu ai i te Metua ra na roto i te pure anaanatae, "(B.F.20:76 B.F.3.17:22.)

Te auraa mau o te parau "E" hoé â ia i te parau "i rotopu" i te reó Baratane, e no reira mai te iritiraa, e te reira to'na auraa mau i teie parau. E tuturi te peresibutero aore râ te tahuá i rotopu i te amuiraa ia haamaitaihia te oroa.

Ua riro te peresibutero e aore râ te tahuá ei auvaha no te amuiraa. No reira e tia roa i te amuiraa ia parahi noa inia i to ratou mau parahiraa ma te maniana ore ia haamaitaihia te oroa o te Fatu, e i te opereraa o te reira.

—*Papaihia e Gihoti Poropiti*

Te Mau Parau Apî

E UA RAHI HOI

Te rahiraa o te ino i roaa mai i te motu Oahu no te ua rahi, oia hoi e iva taata tei pohe e toru ahuru i moe ra e ua manaóhia e 200,000 tara (moni Marite.) Ua mairi puai mai te ua e piti ahuru ma maha hora.

O KALIHĪ te hoé faa nainai roa, te vahi i ino roa i teie ua rahi. E rave rahi te mau fare i afaihia'tu i te pape ra.

NA TO TE TUAMOTU: E tupu mai to outou mau-ruuru, ia ite outou e, ua oti ia Vito Rau te mau buka to-mite fenua no te pae Tuamotu taatoa.

Ua riro atura ia ei ohipa ohie ia'na i te imi na tei hinaaro, i ta ratou mau tomita; no reira, e mea tia roa i te mau fatu fenua tei ore i roaa ta ratou mau tomita, ia haere ia'na ra no taua vahi ra, e ia rave atoa mai hoi i ta ratou mau parau faturaa no roto mai i te piha tomiteraa fenua.

M. Bonnet M. Gerant et Imprimeur,

Rue Brea et de la rue Dumont d'Urville, Orovini, Papeete